



Nuuk 24. oktober 2018

UKA2018/108

Jens Napätôk, Partii Naleraq

Inissianik attartortitsisarneq pillugu Inatsisartut peqqussutaani nr. 2-mi, 12. maj 2005-imeersumi ilanngussaq 4 (Ileqqorissaarnissamat malittarisassat) allanngorteqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasillunga tunngaviusumik pisortat inissiaataanni qimmeqarnissaq aamma/imaluunniit qitsuuteqarnissaq akuerineqarsinnaalersillugu.

(Inatsisartunut ilaasortaq Randi Vestergaard Evaldsen, Demokraatit)

Inatsisartuni ilaasortaq Randi Vestergaard Evaldsen Demokraatineersoq aalajangiiffigisassatut siunnersuummik saqqummiussaanut Partii Naleqqamiit qutsavigerusupparput.

Partii Naleqqami nalilersuilluareerluta siunnersuuteqartoq isumaqatigaarput qimmeqarneq qitsuuteqarnerlu inuup nammineq piumassutsiminik qinertaraa.

Taamatullu oqareerluta aamma oqaatigisariaqarsoraarput inuup nammineq toqqarsinnaangisaa tassaasoq uumasunik sapigaqarneq, blok-ini unnuannarsuarmi qiluppalluttoqarnera peqqutigalugu sininnaveersinnaaneq, inigisap innarlerneqarnera uumasuuteqarnermik peqquteqartumik il.il.

Taamaammat illuatungeriit tamarmik periarfissinneqarnissaat nammineq qinnikkaminnik periarfissaqartariaqartut Partii Naleqqamiit isumaqarpugut.

Taamatullu ammaassiniarnermi illuatungeriit tamarmik qinigaqarsinnaassappata isumaqarpugut malitassaqartariaqartoq, tassalu inuup nalunngittariaqaraa illumi blokiniluunniit nuunnermini ilumut qimmeqaaqqusaallunilu qitsuuteqaaqqusaanersoq.

Tamatuma aaqqiffiginiarneranut tunngatillugu najugaqatigiit ataatsimut ataatsimiitiliaani peqatigiiffianilunniit tamanna aaliangersarneqarsinnaasunngorlugu aaqkikkaanni pitsaanerpaatut atuisunullu naleqqunnerpaatut Partii Naleqqammit isumaqarfigaarput.

Atuisut nammineq demokratiskiusumik najugaqatigiit eqqartorlugu malittarisassarsiorsinnaallugu aaqqissuullisiuk ilumut qimmeqarsinnaanerup qitsuuteqarsinnanerullu periarfissinneqarnissaanik pitsaaqutai pitsaanngequtaalu nalilersorluarlugit aaqqinermikkut.

Taamatut periuseqarluta periarfissiinitsinni atuisunut najugaqatigiinnut periarfissiissaagut nammineq avatangiiserisaminnut tunngasut tamarmik ilanngullugit nalilersuisinnaangorlugit.

Naalakkersuisut Namminersorlutik Oqartussat inissiaataannik kommuninut tunniussinissamik isumaqatigiinniarnissamat piginnaatinneqarnikuupput isumaqatigiinniarnissamat.

Taamatumalu kingunerisaanik suleqatigiissitamik pilertitsisoqareersimammat, taakkartukkagut kaammattuutigaagut periarfissat ilaattut ilanngunneqarnissaat, tassalu ineqartut nammineq attartortitsinermut inatsisip imassaanut innersuussutinik saqqummiussissasoq.



partii naleraq

Taamaaliornikkut inissiami attartortittakkami najugaqartut uumasuuteqarnissamut periarfissat najugaqartunut nammineq inatsisissamut siunnersuuteqarsinnaanerit periarfissaliunneqarpoq qulaaniit illua tungaannaasiortumik aaqqiisoqarnani.

Taamatut periuseqarnermi atuisut tamarmik ataatsimut isigalugit periarfissarsiorsinnaanerit aqutissiuunneqassalluni.

Uanilu Demokraatiniit siunnersuuteqartoq isumaqarpugut, uumasuuteqarnerup ammaativinnissaanik kinguneqartumik taamatut aaliangiiffisassamik siunnersuut pisortat inissiaataanni taamaallaat uumasuuteqarsinnaanissaq atuutivittussat taagaluaarat, allanut sunniutigisinnaasaat eqqarsaatigine- qanngippallaarsimasoq taamaammalu aaliangiiffisassatut siunnersuut taamatut isikkoqartillugu tapersernatigu oqaaserisagut innersuussutigalugit siunnersuut itigartikkatigu.